



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:02-49-1-3652-16/15

Datum:02.02.2016.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 25.01.2016.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU

o izboru najpovoljnijeg ponuđača

I

Najpovoljnija ponuda za usluge u predmetu nabavke "Izrada Izmjene i dopune Regulacionog plana "Jugozapad-Tešanj (nacrt i prijedlog)", po cijeni od 3.800,00KM (slovima: trihiljadeiosamstotina i 00/100 konvertibilnih maraka) bez PDV-a odnosno sa PDV-om 4.446,00KM (slovima: četirihiljadečetiristotinečetredesetšest i 00/100 konvertibilnih maraka) je ponuda ponuđača Institut za građevinarstvo "IG" Banja Luka.

II

Ponuda je dostavljena u Konkurentskom zahtjevu za dostavu ponuda koji je objavljen na Portalu javnih nabavki dana 12.01.2016.godine pod brojem:375-7-2-7-3-5/16 , kriterij za dodjelu ugovora je najniža cijena.

III

Obavezuje se izabrani ponuđači da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu i finansijsku sposobnost na način i u formi koja je propisana tenderskom dokumentacijom.

IV

Ponuda "JU Institut za urbanizam, građevinarstvo i ekologiju Banja Luka" odbacuju se kao nepotpuna iz razloga što ponuđač uz ponudu nije dostavili traženu dokumentaciju.

V

Za realizaciju Odluke zadužuju se Služba za katastar, urbanizam i imovinsko-pravne poslove i Služba za finansije, privredu i inspekcijske poslove općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6.Zakona o javnim nabavkama.

O b r a z l o ž e n j e

Postupak javne nabavke za usluge "Izrada Izmjene i dopune Regulacionog plana "Jugozapad-Tešanj (nacrt i prijedlog)", pokrenut je Odlukom o pokretanju postupka javne nabavke broj:02-49-1-3652-2/15 od 28.12.2015.godine. Odabran je Konkurentski zahtjev za dostavu ponuda, koji je objavljen na Portalu javnih nabavki dana 12.01.2016.godine pod brojem:375-7-2-7-3-5/16, procijenjena vrijednost javne nabavke bez PDV-a je cca. 8.500,00KM a kriterij za dodjelu ugovora je najniža cijena.

U ostavljenom roku za dostavu ponuda pristigle su 4 ponude i to: Ponuda "Projekt AD" Banja Luka, Ponuda Institut za građevinarstvo "IG" Banja Luka, Ponuda "JU Institut za urbanizam, građevinarstvo i ekologiju Banja Luka" i Ponuda "STILPROJEKT" d.o.o. Zavidovići.

Komisija za javne nabavke imenovana rješenjem Općinskog Načelnika broj:02-49-1-3652-7/15 od 19.01.2016.godine izvršila je dana 25.01.2016.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima. Na Zapisniku sa otvaranja ponuda Komisija je konstatovala da ponuđač "IPSA INSTITUT" d.o.o. Sarajevo tendersku dokumentaciju nije preuzeo sa Portala javnih nabavki. Iz Izvještaja o preuzimanju tenderske dokumentacije skinutom sa Portala javnih nabavki dana 25.01.2016.godine Komisija je utvrdila da tenderska dokumentacija od strane ponuđača nije preuzeta sa Portala javnih nabavki, jer je ugovorni organ svoju tendersku dokumentaciju za ovaj postupak objavio na portalu, i jedino se putem portala ista mogla PREUZETI (ponuđači koji su tendersku dokumentaciju preuzeli sa Portala javnih nabavki mogli su učestvovati u postupku), a sve u skladu sa Uputstvom o dopunama uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu "E-NABAVKE" (Sl.glasnik BiH broj:53/15).

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su 3 ponude formalno ispravne (sadržajno kompletne i ispravnog sadržaja) i da se kao takve može ocjenjivati u skladu sa zahtjevom za dostavu ponuda.

Komisija je izvršila rangiranje prihvatljive ponude prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda i utvrdila najpovoljnijeg ponuđača kako slijedi:

1. Institut za građevinarstvo "IG" Banja Luka
2. "Projekt AD" Banja Luka
3. "STILPROJEKT" d.o.o. Zavidovići

Komisija je kod ocjene ponuda takođe utvrdila da 1 ponuda nije formalno ispravna, odnosno da ne sadrži dokumentaciju koja je tražena tenderskom dokumentacijom kako slijedi:

- Tenderska dokumentacija je u tački 2.4. propisala da ponuđač uz ponudu treba dostaviti "1. Spisak izvršenih ugovora o uslugama koje su predmet nabavke u posljednje 2 godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od dvije godine. Uz spisak izvršenih ugovora ponuđač je dužan dostaviti i Potvrdu koju daje druga ugovorna strana o njihovoj realizaciji, a koja obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjede, a sve u cilju da se dokaže uspješno iskustvo u izvođenju najmanje 1 (jednog) ugovora na uslugama kao u predmetnoj nabavci, odnosno na uslugama izrade planske dokumentacije, minimalne vrijednosti 16.000 KM u posljednje 2 godine".

Kod ponude "JU Institut za urbanizam, građevinarstvo i ekologiju Banja Luka" ponuđač nije dostavio dokaze tražene tačkom 2.4 Tenderske dokumentacije. Naime uz ponudu je dostavljen dokument "Referenc lista" ponuđača sa spiskom izvršenih usluga na izradi prostorno planske dokumentacije u periodu od 2009.godine do 2015.godine bez iznosa vrijednosti svih ugovora (unesena vrijednost jednog ugovora na iznos od 1.316,25KM) te je dostavio Potvrdu broj:06-14-4580/15 od

26.06.2015.godine izdata od Službe za upravu geodetskih, imovinsko pravnih poslova i urbanizma Općine Zavidovići, Potvrdu broj:M-68/13 od 17.09.2013.godine izdatu od Kompanije Slobomir Bijeljina te Potvrdu broj:05-014-61/13 od 06.12.2013.godine izdatu od JU "Novi urbanistički zavod RS" Banja Luka koje takođe ne sadrže vrijednost izvršenih ugovora. Ponuđač je takođe uz ponudu dostavio Uvjerenje broj:15.02-052-4810/15 od 02.07.2015.godine izdato od Ministarstva za prostorno uređenje, građevinarstvo i ekologiju RS koje sadrži sve elemente koje propisuje Zakon pa i iznos vrijednosti ugovora ali ovaj projekat nije nabrojan u "Referenc listi" ponuđača. Kako dostavljenom dokumentacijom na način predviđen u tački 2.4. tenderske dokumentacije ponuđač "JU Institut za urbanizam, građevinarstvo i ekologiju Banja Luka" nije dokazao uspješno iskustvo u izvođenju najmanje 1 (jednog) ugovora na uslugama kao u predmetnoj nabavci, *odnosno na uslugama izrade planske dokumentacije, minimalne vrijednosti 16.000 KM u posljednje 2 godine* to je Ponuda "JU Institut za urbanizam, građevinarstvo i ekologiju Banja Luka" u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-49-1-3652-14/15 od 25.01.2016.godine), da se u predmetu javne nabavke "Izrada Izmjene i dopune Regulacionog plana "Jugozapad-Tešanj (nacrt i prijedlog)", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za usluge određuje ponuda ponuđača Institut za građevinarstvo "IG" Banja Luka, kako je to navedeno u tački I ove Odluke, te da se sa istim zaključi ugovor u skladu sa ponudom navedenog ponuđača za usluge predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji ponuđač izabran je Institut za građevinarstvo "IG" Banja Luka, sa cijenom od 3.800,00KM bez PDV-a odnosno sa PDV-om 4.446,00KM.

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđačima x4,
2. Služba za katastar, urbanizam i imovinsko-pravne poslove,
3. Služba za finansije, privredu i inspeksijske poslove općine Tešanj,
4. Predmet.

Huskić



OPĆINSKI NAČELNIK

Huskić
mr.sc. Suad Huskić profesor